

涇縣志卷十三

藝文五傳

曹端列傳

曹端字正夫涇池人永樂六年舉人五歲見河圖洛書即畫地以質之父及長專心性理其學務躬行實踐而以靜存為要讀宋儒太極圖通書西銘歎曰道在是矣篤志研究坐卧著足處兩縛皆穿事父母至孝父初好釋氏端為夜行燭一書進之謂佛氏以空為性非天命之性釋氏以虛為道非率性之道父欣然從之既遭二親喪五味不入

口既葬廬墓六年端初讀謝應芳辨惑編篤好之一切虛
浮巫覡風水時日之說屏不用上書邑宰毀淫祠百餘為
設里社里穀壇使民祈報年荒勸賑存活甚衆為霍州學
正修明正學諸生服從其教郡人皆化之恥爭訟知府郭
晟問為政端曰其公廉乎公則民不敢慢廉則吏不敢欺
晟拜受遭艱歸澠池霍諸生多就墓次受學服闋改蒲州
學正霍蒲兩邑各上章爭之霍奏先得請先後在霍十六
年宣德九年卒官年五十九諸生服心喪三年霍人罷市
巷哭童子皆流涕貧不能歸葬遂留葬霍二子俞深亦靈

端墓相繼死墓側後改葬渑池一端嘗言學欲至乎聖人
之道須從太極圖上立根脚又曰為人須從志士勇士不
忘上叅取又曰孔顏之樂仁也孔子安仁而樂在其中顏
子不違仁而不改其樂程子令人自得之又曰天下無性
外之物而性無不在焉性即理也理之別名曰太極曰至
誠曰至善曰大德曰大中名不同而道則一初伊洛諸儒
自明道伊川後劉絢李籲輩身及二程之門至河南許衡
洛陽姚樞講道蘇門北方之學者翕然宗之洎明興三十
餘年而端起峭渑間倡明絕學論者推為明初理學之冠

所著有孝經述解四書詳說周易乾坤二卦解義太極圖
說通書西銘釋文性理文集儒學宗統譜存疑錄諸書霍
州李德與端同時亦講學於鄉及見端退語諸生曰學不
厭教不倦曾子之盛德也至其知古今達事變末學鮮或
及之古云得經師易得人師難諸生得人師矣遂避席去
端亦高其行誼命諸生延致之講明正學初端作川月交
映圖擬太極學者稱月川先生及歿私謚靖修正德中尚
書彭澤河南巡撫李貞請從祀孔子廟庭不果

張信民傳

郭光復

河南
總兵

先生姓張諱信民字孚若晚年又號洗心居士學者稱洗
心先生世澠池縣人宋忠臣清遠侯裔也侯諱玘子世雄
捐資募兵禦敵人於白浪口九戰九捷從岳武穆北征屢
建奇功殉於王事宋高宗勅贈玘清遠侯世雄武節大夫
建廟海州又祀於鄉祧祖諱清者隱居澠池山後陽澣村
濟難扶危咸稱長者清子福好善樂施開山鑿道感神饌
食之異事載於石福先生高祖也生子九人其行四者諱
振即清吏公也公以庠生充臬司吏素行謙謹臬司重之
夜以宦資托寄人無知者臬司倏爾病亡振一一付臬子

計數萬金臬子感之稱清吏而不名鐫石紀事於司左旋
以蘆讓擢朔州吏目感飛鳥之祥而生鈿穎異非常先生
祖也甫十二歲補博士弟子員隨領庚子鄉薦世云陰德
之報歷任新城沂水兩邑士民迄今猶誦神君之政今崇
祀鄉賢父諱泰者喜延賓客常以積德為事嘉靖辛丑十
二月初九日夢神人送玉麟而生先生聰穎出類五歲時
見羣兒嬉戲聚土為城內圓外方先生從旁正之曰天包
乎地當內方外圓識者知非凡品七歲就學於外祖即遵

孟雲浦先生倡道西關負笈從游時郭梅山黃性軒王惺
所三先生與焉先生慨月川後里人鮮知學者毅然以興
斯道為己任陶鑄後學反復忘倦豫撫吳公聘修程仰諸
書題其門曰經明行修登選選赴闕廷試文冠多賢遠邇
宗之及雲浦先生捐館服心喪三年聯會於龍興寺從學
者益眾尋掛檄謁選隴西令剔奸緩民種種德政民慶來
蘇乃建社學刊洛西三先生要言訓蒙要纂選師敷教文
風蔚然丕變化此觀撫按交治熱稱最愚者詆謫關中
臬司檢校先生怡然赴生訂正問學久之

詆誣昭明復

下車即

爲民害者去之利者

興之一一籌畫均平開墾荒北一千三百餘頃招撫流移

一千八百餘家四境樂業百廢俱新又刊四禮述八行詳

說士俗民風翕然改觀懷仁前無利策而一榜雙魁自先

生始乃以二親年老泣告歸養士民感其共建生祠亦自

先生始也晉撫鏡源公薦先生悃悃君子清苦正操湖

大周也尋丁內外艱哀毀骨立鬚髮一夜如銀喪禮俱遵

制典自是隱居山東築閣修堂訓迪多士而秦晉汝潁間

學者雲集乃創正學會所環侍門牆弟子數千先生猶以

學之不講為憂西與王惺所先生會講於甘棠書院東與
呂豫石先生聯會於川上書院侍御緝敬李公命邑侯林
請先生主韶陽會禮數備至先生悼俗靡侈立脫粟會李
公過澠造廬請見嘆相遇之晚即索脫粟會語刊行於世
迨薦三省逸賢首列先生又表正學會所為正學書院絳
州卒復元諱全寄詩云我慕張夫子忘年味道真三川同
浩蕩五岳並嶙峋蓋指伊川月川西川三夫子也天啟改
元盧龍兵憲張公諱春新安諸生孟君一誠暨光復同證
疑難副結真率會復建景運堂日課後學迨講學禁厲先

生始杜門玩易崇正御極衆正登朝都憲真子曹先生首
起先生理學名儒任國子監正侍御吳公李公相繼行檄
修復先生始祖清遠侯祠尋選二生入學奉祀仍請先生
結社發致中和之義聞者莫不悅服額曰雒社真儒壽七
十有二端座而逝時崇正六年五月念八日也四方學者
走哭其門日追慕無已予自壬戌請纓先生餞之千秋灑
淚而別迄今二十八年剿寇函谷過訪先生已葬玉東山
從祀鄉賢矣東窮致奠揮勉學有年之淚痛未與先生永
訣為恨耳嗟嗟先生嵩洛涵英與程邵諸夫子精生神來

豈拘拘相求於死生聚散形迹間耶按先生自幼至老始
終窮理盡性明道淑人固已見諸實事而非托之空言者
平生著述有理學彙粹劄疑及日抄諸書尚未梓行而行
於世者講學會解月川年譜訓蒙要纂四禮述一喙錄印
正稿洗心錄諸書誠伊洛之嫡傳允後學之津梁者澠之
月川今再見也予與先生先後同志從游日久乃知先生
之深非予為傳而誰歟奚敢以武夫辭而泯先生之生平
操履行實哉乃篝燈書於雒陽行館寄先生仲君世兄貢
元張慎動字正一者以俟名賢名筆詳先生徽韻懿風於

勿替云 范初年譜

張烈婦傳

上官捷科邑進士

烈婦陳氏澠故氓張希蘭妻也年十七歸張村居去邑二十里林岩窮巷兒女子多聚譚當途嬉戲媒狎婦疾之生平非汲井閨以外無跡也五六襖族長鮮有識其面者每遇再醮婦輒嘆曰死即死耳寧容身事兩姓作禽獸行哉性尤惡佞佛有僧談因果村婦悉就觀強婦俱排之有頃微哂曰若輩欲得果遺僧耳乃出粟而不往歲戌戌希蘭以貧故偕數人為鬻煤計婦不可躊躇久之卒迫於同

事故往役無何以窆墜死蓋臘月七日也婦呼天長泣志
欲俱死親戚數勸止之曰汝志固定但有遺腹在生男汝
夫不死矣於是稍進飲食既殯家屬皆謀別醮已而窺婦
志堅不果明年己亥婦息一女而其死志愈決獨念女未
彌月冀徐求屬女耳適鄉氓蘇氏知婦賢欲媳之托婦母
徐探焉婦厲聲謂母曰日者昊天不弔既以心孤薄命女
女敢復不德以他適乎而女誠愚已有志在前不願為兩
姓婦今弗食言矣遂痛哭是後張之伯父更不與婦商納
蘇氏所為聘者而約期於仲春之念一日前三日托婦母

復勸之婦嗚咽吞聲窺勢無能誰何故佯諾之其母色喜
曰兒誠母從盡少需以轉張之薄積蓋不知婦為給也婦
拊膺曰夫若家毫不念矣豈他有愛焉其圖之也遂食其
母去是夕伯父母皆以婦亶無初志翌日共諸嬸嫂立談
婦乳其女曰飽食之止得此乳兩日耳語未竟淚隨衣墮
諸嬸嫂疑其欲遺女以嫁蘇故云爾至暮家人寢婦乃密
縫鞋衣編膚無露形詰旦携女往希蘭草間膝踞顙天自
辰屆已不歸張諸婦頃足曰蘇氏將來娶且午伊顧墓
哭也哉絨而蘇至其家老婦隨之諸張婦與蘇婦俱喪焉

婦泣倒墓下，手抓地，至十指出血。諸婦竟驅之歸。烈婦即
寘女於內屋，而潛往所汲井。婦之往也，有諸婦在井上，見
其徐步來，謂曰：「伊嫂作別乎？」婦且應，且行，促至井而仰天，
一呼，身已墜入井中。諸婦驚呼，諸張並所娶者聞之，即救
出，而氣已絕，髮服襜如也。其色若生。其母窺其衣，密縫，乃
蓋。知烈婦初志在必死，而佯許嫁以疎人防也。

上官子曰：「於邑哉！烈婦縫裳製履，從容棄人間，世何烈至
斯也！」余初聞其事，涕零不能語，繼得伊親道烈婦殉節狀，
遂為立傳。他日過村，謁婦墓，怪巖中出奇烈，金生沙磧。

不虛也及觀所墜井徘徊傷之不能去云

府志

張孝烈婦傳

上官捷科

左氏者涇諸生張邦才婦也生幼以孝聞弱冠補邑庠娶左氏事翁姑備色養家貧生憂之氏笑曰爾何為也爾讀聖賢書乃憂貧耶張解頤謝益力學未幾生病病且甚泣語氏曰吾死不可知奈二老何即死目必不瞑氏曲慰之相向哭翌日生卒蓋去結褵時才二年耳氏慟欲殉既而轉念曰吾夫以二老託我我死無子女二老將何倚耶乃稍稍進飲食且以善辭慰翁姑也是時氏年甫二十邑人

爭謀娶之一日左母過氏微言曰壻不可挽矣兒意欲何
之氏愠曰此身豈復煩阿母慮耶張之室固女死生所也
氏泣左母亦泣薄暮有托其內姊為冰人者姊微挑之氏
怒勃發即取牖上鏡碎之誓曰有言再適者視此姊怏怏
去先是翁年老然矍鑠猶能經營自哭子後日就疋羸不
復出門戶家益大困氏盡檢嫁裝鬻之以充養不足取給
于十指姻戚或憐其貧餽之布粟氏初少納後謝遣之告
使曰我有翁姑而人養之我生奚為氏益併力女紅終夕
常不寐一指竟不能屈伸閱寒暑氏或日一食或併日食